



**EHUn DOKTOREAK PRESTATZEKO DOKTORATU
AURREKO KONTRATAZIO DEIALDIA; ZIENTZIA,
BERRIKUNTZA ETA UNIBERTSITATE
MINISTERIOAREN JAKINTZA SORTZEKO 2022
DEIALDIARI LOTURIKOA, PID2022-139821OB-I00
PROIEKTUAREN BARNEAN (FPI2023-BIS)**



MINISTERIO
DE CIENCIA, INNOVACIÓN
Y UNIVERSIDADES



Cofinanciado por
la Unión Europea



AGENCIA
ESTATAL DE
INVESTIGACIÓN

**EBAZPENA, 2026ko MARTXOAREN 5ekoa, IKERKETA ERREKTOREORDEARENA, ZIENTZIA,
BERRIKUNTZA ETA UNIBERTSITATE MINISTERIOAREN "PID2022-139821OB-I00" EZAGUTZA
SORTZEKO PROIEKTUARI LOTUTAKO EHU-N PRESTATZEN ARI DEN IKERTZAILEA BI URTEZ
KONTRATATZEKO DEIALDIA ARGITARATZEN DUENA.**

Deialdi honetan berariaz jasotzen ez diren alderdiak arautzeko "UPV/EHUn Zientzia eta Berrikuntza Ministerioaren 2022ko Ezagutza Sortzeko Proiektuen deialdian emandako laguntzei lotutako Ikertzaileak Prestatzeko Kontratazio deialdia **(FPI 2023) hartuko da kontutan.**

Doktorego-programa eta lanposturako berariazko baldintzak dokumentu honen amaieran dagoen I. eranskinean jasotakoak izango dira.

1. Oinarria. ESKATZAILEEN BETEKIZUNAK

1.1. Deialdi honetan parte hartzeko, eskatzaileek ondoren zerrendatzen diren baldintza guztiak bete behar dituzte **eskaria aurkezten denean**:

- a. EHuko doktorego programa batean jardunaldi osorako matrikulatuta egotea 2025/2026 ikasturtean, eskatutako proiekturako I. Eranskinean adierazitakoarekin bat datorren UPV/EHuko doktorego-programan.

Eskabidea aurkezten den unean UPV/EHuko doktorego programa horretan **matrikulatuta ez dauden hautagaiak** behin-behinean onartu ahal izango dira, baldin eta kontratua formalizatzen denean doktorego programan matrikulatuta egoteko moduan badaude.

- b. Batezbesteko nota 6,5 puntu edo gehiago izatea doktoregoan sartzeko titulu gisa aurkeztutako lizentziatura- edo gradu-espediente akademikoan. Ondorengo titulazio hauen kasuan, gutxiengo nota hori 6 puntura jaitsiko da: Finantza eta Aseguruetako Gradua, Meatzaritza eta Energia Teknologiaren Ingeniaritzako Gradua, Ingeniaritza Elektrikoko Gradua eta Geomatika eta Topografia Ingeniaritzako Gradua.
- c. Espediente akademikoaren batez bestekoa kalkulatzeko, doktoregora sartzeko titulutzat aurkeztutako lizentziatura edo gradua besterik ez da kontuan hartuko, beste espezialitate batzuetako irakasgaietan lortutako notak eta masterreko ikasketetako notak aintzat hartu gabe.

Espediente akademikoak 1 eta 10 arteko batezbesteko nota jasoko ez balu, espediente akademikoaren batezbestekoa kalkulatu da, irakasgai bakoitzean lortutako kalifikazioa irakasgai bakoitzaren kreditu kopuruarengatik biderkatuz eta lortutako produktuen batura, gainditutako kreditu guztien kopuruarengatik zatituz.

Baliozkotu edo egokitu dituen unibertsitateak kalifikatu ez dituen baliozkotutako edo egokitutako ikasgaien kasuan, jatorrizko ikastetxean edo ikasketetan lortutako kalifikazioak zenbatuko dira, beti ere dokumentalik egiaztatuta. Dokumentalik egiaztatu ezin balira, "nahiko" kalifikazioaz gainditu direla ulertuko da.

- d. I. Eranskinean zehaztutako baldintzak betetzea.

1.2. **Kontratua sinatzerakoan** eskatzaileak 2025/2026 ikasturterako UPV/EHUko doktorego-programan matrikulatuta egon beharko du, eskabidean agertzen diren tesi-zuzendariekin batera. Eskatzailearen kontratua tesi-zuzendariaren sailari atxikiko zaio.

Europar Batasuneko herritarrak ez diren ikertzaile atzerritarrak kontratatzeke, Espainian bizitzeko eta lan egiteko baimena lortu beharko dute, indarrean dagoen araudiaren arabera. Gainera, baimen hori lortu ondoren, horrela badagokio, pertsona horrek Espainian sartzeko bisa aurkeztu beharko du bizileku-baimenaren ebazpena eman zenetik hilabete bateko epean., gizarte-segurantzaren alta emateko eta beharrezkoa den beste edozein izapidetze aurrera eramateko. Bestela, pertsona horrek onartuaren izaera galduko du.

Kontratua sinatzen den egunean hautagaiak baldintza horietariko bat betetzen ez badu, ezin izango da kontratua egin.

1.3. Espainiako edo atzerriko edozein unibertsitatetan **doktore-titulua duten pertsonak ezin izango dira eskatzaile izan**, ezta deialdi honen bidez sustatzen den kontratazioan sartu ere.

2. Oinarria. KONTRATUEN EZAUGARRIAK.

2.1. Deialdi honen bidez hautatuko diren pertsonak ZTBLren 21. artikulua arabera kontratatuko dira. Kontratatutako langileak prestatzen ari diren doktoratu aurreko ikertzailetzat hartuko dira. Onuraduna tesi-zuzendariaren sailean sartuko da, eta bertan garatuko du doktorego-tesia.

2.2. Kontratua lanaldi osokoa izango da eta doktorego tesia egitea izango du xede, I. Eranskinean aipatutako proiektuaren esparruan.

2.3. **Kontratuak gehienez bi urteko iraupena izango du**, eta kontratua gauzatzeko epea ikertzaile kontratatua UPV/EHUn lanean hasten den egunean hasiko da.

2.4. Aldi baterako lanerako ezintasunak, haurdunaldiko arrisku egoerak, amatasunak, umeen adopzioa edo harrerak, edoskitzea eta aitatasunak gelditu egingo dute epearen zenbaketa kontratuaren iraupenari dagokionez. Hori dela eta, laguntza honen onuradunek EHUKo Ikerketako Errektoreordetzari jakinarazi beharko diote lehenbailehen (rrhh-inves.dgi@ehu.eus) eta beti ere 10 egun balioduneko epean, etetea eragin duen gertaera-egunetik zenbatzen hasita.

3. Oinarria. ESKARIAK AURKEZTEKO MODUA

3.1. **Eskaria aurkezteko tokia eta modua:** Administrazio Publikoen Administrazio Prozedura Erkidearen urriaren 1eko 39/2015 Legearen 14. artikuluan eta Universidad del País Vasco/Euskal Herriko Unibertsitateko idazkari nagusiaren 2024ko irailaren 11ko Ebazpenean ezarritakoaren arabera, eskabideak UPV/EHUren <https://egoitza.ehu.eus> egoitza elektronikoaren bidez bakarrik aurkeztuko dira, eta "ESKAERA" eta "AZALTZEN DU" eremuetan ondorengoa jarri behar da: "FPI 2023 BIS_Ikerketa Errektoreordetza-GGBB.

Horretarako, egoitza elektronikoa jasotako identifikazio- eta sinadura-bideetako edozein erabili ahal izango da, hala nola BakQ, NAN elektronikoa edo Diruaren eta Zerga-zigiluaren Fabrika Nazionalaren FNMT-CERES ziurtagiria. Izenperen ziurtagiri profesionala hodeian duzula "Ziurtagiri digitalak" aukeraren bidez sartzeko, beharrezkoa da profesionalentzako txartel birtuala hodeian instalatuta izatea eta saioaren hasiera egitea.

Salbuespen gisa, **Espainiako lurraldean bizi ez direla egiaztatzen duten hautagaiek soilik** eskabidea posta elektronikoz aurkeztu ahal izango dute, pre-postdoc.dgi@ehu.eus helbidera bidaliz, gaian "FPI 2023-BIS" adierazita.

Espainiako lurraldean bizi direnen eskaerak bide horretatik jasotzen badira "ez aurkeztutzat" hartuko dira, eta automatikoki prozesutik kanpo geratuko dira.

3.2. Eskabideak aurkezteko epea 2026ko martxoaren 6an hasiko da, eta 2026ko martxoaren 19an amaituko da, biak barne.

3.3. Beharrezko dokumentazioa: Ondoko dokumentu hauek aurkeztuko dira:

- a) **Eskabide inprimakia**, Ikerketaren Arloko Errektoreordetzaren, aurrerantzean IAE, webgunean eskuragarri dagoen eredu normalizatuarekin bat etorrita.
- b) Doktoregora sarbide ematen duen titulazio edo titulazioetako **ziurtagiri akademiko ofiziala (gradua eta masterra, edo soilik gradua, hala badagokio)**, non lortutako kalifikazio guztiak eta horiei dagozkien datak agertzen diren. Ikasketa horiek EHUn egin dituen eskatzaileak ez du dokumentu hau aurkeztu beharrik izango.

Gainera, **gradu**ko ikasketak atzerrian egin badira, partzialki ala osorik, atzerrian egindako unibertsitate-titulazioen **batezbesteko nota baliokidearen ziurtagiria** aurkeztu beharko da, Hezkuntza eta Lanbide Hezkuntzako Ministeritzak emana. Agiri hau ondoko esteka honen bidez eskura daiteke:

<https://sede.educacion.gob.es/sede/login/inicio.jjsp?idConvocatoria=818>

- c) Eskatzailearen **curriculum vitae**a, curriculum vitae normalizatuaren (CVN) formatuan. Eskatzaileek online editatu ahal izango dute <https://cvn.fecyt.es/editor/> estekaren bitartez.
- d) **NANaren, AIZren edo pasaportearen** fotokopia.
- e) Zientziari, Teknologiari eta Berrikuntzari buruzko 14/2011 Legearen 21. artikuluan aurreikusitako doktoratu aurreko kontratuaren modalitatean kontratatuta ez egotearen erantzukizunpeko adierazpena, eta, hala bada, kontratuaren iraupena egunetan adierazi beharko da. Eredua eskuragarri IAEren webgunean.
- f) Doktore titulua ez duela dioen erantzukizunpeko adierazpena. Eredua eskuragarri IAEren webgunean.
- g) Hala badagokio, I. eranskinean deskribatutako hautagaien berariazko betekizunak egiaztatzen dituen dokumentazioa.

4. Oinarria. ONARPEN, EBALUAZIO ETA HAUTAKETA PROZESUA

4.1. **Onarpena.** Eskabideak aurkezteko epea amaitutakoan, jasotako eskabideen hautagarritasuna aztertuko da, 1go oinarrian eta Eranskinean ezarritako baldintzak betetzen direla bermatuz.

IAEk webgunean argitaratuko du onartutako eta baztertutako pertsonen behin-behineko ebazpena. Eskatzaileek 10 egun balioduneko epea izango dute, aipatutako ebazpena argitaratu eta hurrengo egunetik aurrera, eskabidea zuzentzeko edo eskatzen zaizkien dokumentuak aurkezteko. Zuzenketa hori deialdi honen 3 oinarrian eskabideak aurkezteko ezarritako bide berberetatik egin beharko da.

Epe hori igaro eta aurkeztutako dokumentazio berria aztertu ondoren, IAEk onartutako eta baztertutako pertsonen behin betiko zerrenda argitaratuko du, eta ebaluatuko direnak adieraziko ditu.

4.2. **Ebaluazioa.** Eskaerak Ministeritzaren Aginduaren 12. artikuluan adierazten den moduan ebaluatuko dira, honako irizpide hauei jarraituz:

1. irizpidea. Hautagaiaren ibilbide akademikoa eta/edo zientifiko-teknikoa (gehienez 50 puntu).

1.a. azpirizpidea: Ekarpene zientifiko-teknikoak (45 puntu, gehienez). Izangaiaren espediente akademikoa eta beste curriculum merezimendu batzuk baloratuko dira, eta baita horien egokitzea prestakuntza eta esperientzia profesionalaren arabera egin beharreko zereginetara ere.

1.b. azpirizpidea: Mugikortasuna eta nazioartekotzea (gehienez 5 puntu). Baloratuko da hautagaiak estatuko eta nazioarteko zentroetan edota industria sektorean egindako egonaldiek ikerketa ibilbidean duten garrantzia eta eragina, egonaldiaren harrera erakundearen prestigioa eta bertan garatutako jarduera kontuan hartuta.

2. irizpidea. Hautagaiaren egokitzapena egin beharreko ikerketa jardueretara (50 puntu, gehienez). Hautagaia garatu beharreko ikerketa-programa, -proiektu edo -jardueretara egokitzen den baloratuko da, alde aurreko prestakuntzaren eta esperientziaren arabera. Horretarako, kontuan hartuko da proiektua egiteak bere ikerketa-karrerarako izango duen balio erantsia, eta baita zentroari eta talde hartzaileari ekarritako balioa ere.

Ebaluazio- eta hautaketa-prozesuan kontuan hartu beharko da ekainaren 1eko 14/2011 Legearen 4.bis artikuluen 5. paragrafoan xedatutakoa.

Deialdi honen I. eranskinean deskribatutako ikerketa-proiektuak Ebaluazio-Batzorde bat izango du eta Batzorde horrek ebaluatuko ditu jasotako proposamenak.

Horretarako, IAEren Ikerketa Zuzendaritza Nagusiak Batzorde horri bidaliko dio behin betiko onartzen diren eskaerei buruzko dokumentazioa. Ebaluazio Batzordeak **gehienez 5** egun balioduneko epea izango du, jasotako eskabide bakoitzerako banakako ebaluazio zientifiko teknikoaren txostena egiteko, aurreko puntuan adierazitako irizpideen arabera.

Ezarritako epea amaitu ondoren, Batzordeak jasotako eskabideen lehentasun proposamena igorriko dio Ikerketa Errektoreordetzari, eta, bertan, hautatutako pertsona zein den adieraziko du, eta baita ere uko eginez gero erreserban geratuko liratekeen proposamenen ordena eta puntuazioa.

4.3. Erabakia. Ebaluazio zientifiko-teknikoen txostenak jaso ondoren, IEAren Ikerketa Zuzendaritza Nagusiak behin-behineko ebazpen-proposamena egingo du. Eskatzaileek beren eskaeraren ebaluazio-txostena posta elektronikoko bidez eskatu ahal izango dute, helbide honetara zuzenduta: pre-postdoc.dgi@ehu.eus eta gai bezala **"FPI 2023-BIS"** adieraziz.

Interesdunek 5 egun balioduneko epea izango dute egokitzen jotzen dituzten alegazioak aurkezteko. Epe horretan berariazko alegaziorik jasotzen ez bada, proposamena onartutzat joko da, eta alegatzeko eskubidea bertan behera geratuko da.

Epe hori igaro ondoren, IEAren Ikerketa Zuzendaritza Nagusiak aurkeztutako alegazioak bidaliko dizkio dagokion ebaluazio-Batzordeari, horiek azter ditzan eta ondoren Ikerketako errektoreordeari dirulaguntza emateko behin betiko ebazpen-proposamena egin diezaion.

Kontratazioa emateko edo ukatzeko behin betiko ebazpen-proposamena IEAren web-orrian argitaratuko da, eta argitalpen horrek interesdunei jakinarazteko balio izango du.

Nolanahi ere, kontratua ezingo zaio esleitu deialdi honetan zehaztutako baldintzak betetzen ez dituen hautagaiari. Egoera hori antzemanek gero, behin hautaketa-prozesua amaituta bada ere, esleipendunak kontraturako eskubidea galduko du.

4.4. Administrazio-bidea agortzen duen behin betiko ebazpenaren aurka, honako aurkaratze-bide hauek aurkez daitezke, baina inola ere ez aldi berean:

1. Lehenengo eta behin, aukerako berraztertze errekurtsua aurkez dakioke erabakia eman duen organoari berari, hilabeteko epean, ebazpena argitaratu eta biharamunetik kontatzen hasita.

Administrazio errekurtsu hori jarritz gero, eta errekurtsua jarri eta hilabeteko epean erabaki adierazirik jaso ezean, errekurtsua isiltasun negatiboagatik ezetsi dela ulertuko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsua jartzeko epea sei hilabetekoa izango da, errekurtsua ezetsitzat joa izan den egunaren biharamunetik kontatzen hasita (uztailaren 13ko 29/1998 Legea, Administrazioarekiko Auzien Jurisdikzioa arautzen duena, 46. artikulua).

2. Zuzenean, administrazioarekiko auzi errekurtsua jar daiteke Bilboko administrazio auzietako epaitegietan. Horretarako, bi hilabeteko epea dago, erabaki hau argitaratu eta biharamunetik hasita (29/1998 Legea, uztailaren 13koa, Administrazioarekiko Auzien Jurisdikzioa arautzen duena: 8.3 eta 46. artikulua).

5. Oinarria. KONTRATUA FORMALIZATZEA

Kontratua egin baino lehen, esleituak laguntza lortzeko alegatu dituen betebeharrak eta merezimenduen egiazkotasuna agertu beharko du. Egiaztatu ezin balu, Ikerketa Errektoreordetzak, laguntza ukatzeko ebazpena emango du.

Kontratutua izango denak dokumentu hauek aurkeztu beharko ditu:

- a) Eskarera adierazitako doktorego programan matrikulatu izanaren ordainagiria.
- b) Deialdi honen esleipendun izateko betebeharrak onartzen dituen agiria, tesiaren zuzendarien eta saileko, institutuko edo atxikitze guneko zuzendariaren oniritziarekin.
- c) Identifikazio fitxa, datu pertsonalak, bankukoak, eta Gizarte Segurantzako afiliazio zenbakia dituenak.
- d) Lanean hasi izanaren ziurtagiria.
- e) Ikerketarako Batzorde Etikoaren aldeko txostena, ikerketa-proiektuaren gaia dela-eta beharrezkoa den kasuetan.

Dokumentazio hau aurkezteko epea posta elektronikoz jakinaraziko zaio onuradunari, behin-betiko ebazpenaren ondoren. Eskatutako agiriak epe barruan aurkezten ez badira, kontratuari uko egiten zaiola ulertuko da.

Kontratua egin eta sailean hasteko data gehienez 2026ko ekainak 1 izango da.

Esleipendunak adierazitako egunean kontratua sinatuko ez balu, edo lanean hasiko ez balitz, doktorego aurreko kontratuari uko egiten diola ulertuko da.

Eskaria ebaluatzean kontuan hartu diren baldintzak aldatzen badira, alta emateko tramitea eten egingo da, edo hala dagokionean, kontratua deuseztatu egingo da.

6. Oinarria. BATERAEZINTASUN- ARAUBIDEA

1. Finantzatutako kontratua bateraezina izango da beste edozein kontraturen indarraldiarekin prestakuntza jasotzen ari diren doktoratu aurreko ikertzaileen aldetik, eta soldata izaera duen edozein zenbateko jasotzearekin, baldin eta horrek kalte egiten badio laguntzaren ikerketa- eta prestakuntza-helburuari, edota ordutegi berean gertatzen bada edota antzeko helburua duten beste laguntza batzuk jasotzen baditu.

2. Deialdi honetan kontrataturiko ikertzaileak I+Gko proiektu eta kontratuetatik datozen soldataz kanpoko osagarriak jaso ditzake, kontratu-loturarik ez dakarten irakaskuntza-lanengatik osagarriak, ikertzaileen mugikortasuna sustatzeko laguntza osagarriak (laguntza horiek berekin ez dakartenean lan-kontratuak formalizatzea), edota kongresu, bilera edo jardunaldi zientifikoetara joateko laguntzak.

Edonola ere, aurreko osagarriak edo laguntzak eratortzen badira, ez dute kalte edo eten behar laguntza honen helburua.

3. Deialdi honen bidez finantzatzen den kontratuaren kostua, ezin izango da finantzatu FSE+ekin bateraezinak diren finantzaketa-iturriekin, funts horren araudi espezifikoaren arabera.

4. Doktoratu aurreko laguntza honekin kontratatutako langileek, unibertsitate-sail bateko irakaskuntza-lanetan lagundu ahal izango dute, unibertsitateak berak baimena eman ondoren, gehienez ere ezin izango dira urtean 60 ordu baino gehiago izan.

7. Oinarria. JARRAIPENA

7.1. Prestatzen ari diren doktoratu aurreko ikertzaileek egindako lanaren jarraipen zientifiko-teknikoa organo emaileari dagokio. Laguntza ematen duen organoak prozedura egokiak ezarriko ditu horretarako, eta beharrezkotzat jotzen dituen organo, Batzorde edo adituak izendatu ahal izango ditu, laguntzaren aplikazioaren jarraipena egiteko eta egokitzea jotzen duen informazio osagarria aurkezteko eskatzeko.

7.2. Kontratatutako doktoratu aurreko ikertzaileak jarraipen zientifiko-teknikoko azken txosten bat egin beharko du, laguntzaren aldi osoari buruzkoa. Horretarako, Estatuko Ikerketa Agentziaren webgunean dauden ereduak erabili beharko ditu. Amaierako txostena, laguntza gauzatu den aldia amaitu eta hurrengo hilabetean aurkeztu beharko da. Horretarako, ikertzaile onuraduna Ikerketa Errektoreordetzarekin (rrhh-inves.dgi@ehu.eus) harremanetan jarri beharko da txostena egiteko epea zabaltzen denean, prestatzen ari den ikertzaileak eta ikertzaile nagusiak Ministeritzaren aplikaziora dagozkien txostenak igotzeko prozedura koordinatzeko. Azkenik Ikerketa Errektoreordetza txosten horiek balioztatu beharko baitu.

Txosten horietan, txostenean jasotako aldian egindakoaren eta prestakuntza-programaren betetze-mailaren deskribapena jasoko da, bai eta, hala badagokio, laguntza gauzatzeko gainerako aldirako lan-plana ere, eta berariazko erreferentzia egingo zaio doktorego-tesiaren egoerari, bilakaerari eta lorpenari. Txostenetan, egonaldirik egin bada, egonaldiaren deskribapena (zentroa eta talde hartzailea, iraupena, etab.) eta egindako jarduerak jasoko dira.

Jarraipen-txostenekin batera, prestatzen ari den ikertzailearen curriculum vitae eguneratua ere erantsiko da.

Azken txostena ez aurkezteak edo balorazio negatiboa izateak laguntza osorik edo zati batean itzultzea ekar dezake.

7.3. I+G zentroetan egonaldiak egiteko laguntza justifikatzeko, kontratatutako pertsonak honako dokumentazio hau aurkeztu beharko du Ikerketa Errektoreordetzan (rrhh-inves.dgi@ehu.eus), egonaldia amaitu eta hamabost eguneko epean:

- a) Gastuak likidatzeko dagozkien gastuen justifikazio egiaztagiria.
- b) Harrerako zentroko arduradunaren ziurtagiria, egonaldiaren hasiera eta amaiera egunak berariaz jasotzen dituen. Onuradunei egonaldia egiteko daten arabera emango zaie laguntza, zentroan sartu direla egiaztatu ondoren.
- c) Egonaldiaren azalpen memoria laburra, gehienez 500 hitzetakoa, tesi zuzendariaren adostasunaz. Bertan adieraziko da egonaldiaren emaitza.

Egonaldia gauzatzen ez bada, edo ezin badu behar bezala justifikatu, onuradunak jasotako zenbateko osoa itzuli beharko du.

Era berean, egindako egonaldia emandakoa baino laburragoa bada, kontratatutako pertsonak gauzatu gabeko aldiari dagokion laguntzaren zati proportzionala itzuli beharko du.

Behar ez bezala jasotako zenbatekoak Dirulaguntzei buruzko azaroaren 17ko 38/2003 Lege Orokorrean eta hura garatzeko arautegian ezarritakoaren arabera itzuliko dira, eta kontratatutako pertsonaren nominatik murriztu ahal izango dira.

8. Oinarria. KONTRATUA ETETEA, UKO EGITEA ETA DEUSEZTATZEA

8.1. Aldi baterako ezintasunak, haurdunaldiko arriskuak, amatasunak, adopzioak edo harrerak, edoskitzeak eta aitatasunak kontratuaren iraupena eten egingo dute. Laguntza honen onuradunak Ikerketa Errektoreordetzari jakinarazi beharko dio (rrhh-inves.dgi@ehu.eus) 10 egun balioduneko epean, etetea eragin duen gertakaria gertatzen den egunetik zenbatzen hasita, eta kasu bakoitzean eskatzen diren egiaztagiria aurkeztu beharko ditu.

8.2. Deialdi honen bidez kontraturiko langilearen ukoa, onuradunak berak jakinarazi beharko ditu, uko-egiteak ondorioak izan baino 10 egun baliodun lehenago gutxienez. Komunikazioa idazki bidez egingo da, eta ondorengo helbide elektronikora bidaliko da: rrhh-inves.dgi@ehu.eus

8.3. Lan kontratua ondorengo arrazoietakoa batengatik etengo da:

- a) Kontratuaren ukoa.
- b) Kontratuaren indarraldia amaitzea.
- c) Eskabidean adierazitako doktorego-programan matrikulatuta egoteari uztea.
- d) Laguntza emateko aintzat hartutako betebeharrak bete ez edo baldintzak aldatzea.
- e) Tesi zuzendariak eta doktorego programaren arduradunak hala eskatuta, tesi zuzendariak eta doktorego programaren arduradunak abalatutako txostenak arrazoituz gero.
- f) Gerora sortutako bateraezintasunen batengatik.

AZKEN XEDAPENETAKO LEHENENGOA

Deialdi honek administrazio bidea agortzen du eta honen kontra administrazioarekiko auzi errekurtsoa jar daiteke Bilboko Administrazio Auzietako Epaitegietan, bi hilabeteren epean deialdia argitaratzen den egunetik kontatzen hasita. Hala izanik ere, aukerazko birjartze errekurtsoa jarri ahal izango da erabakia argitaratu eta hilabetearen epean Ikerketaren arloko Errektoreordearen aurrean, 39/2015 legearen 123. artikuluaekin bat etorruta.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioan, 2026ko martxoaren 5ean.

Juan Ignacio Umerez Urrezola

Ikerketa Errektoreordea

I ERANSKINA

Proiektuaren kodea: MCIU-022/P73

- **Izenburua:** Elastómeros termoplásticos bioreabsorbibles con rugosidad y topografía superficial controlada: una estrategia para prevenir la neuroninflamación de biomateriales
- **Arlo tematiko nagusia:** Ciencias y tecnologías de materiales
- **Azpiarlotzatikoa:** Materiales para biomedicina
- **Ikertzaile nagusia:** Larrañaga Espartero, Aitor/ Sarasua Oiz, Jase Ramon
- **Tesia adskribatuko duen doktorego programa:** Ingeniería de Materiales y de Procesos Sostenibles
- **Tesi zuzendari gisa proposatutako pertsona:**
Meaurio Arrate, Emiliano / Lejardi Meavebasterrechea, Ainhoa
- **Eskatzaileek bete beharreko eskakizunak:**
 - Grado en Química
 - Master en Biomateriales
- **Baloratu beharreko beste merezimendu batzuk:**
 - Buen nivel de inglés, tanto de forma escrita como oral (nivel B2*)
 - Conocimiento de Euskera (nivel B2*)
 - Experiencia previa en investigación, preferiblemente en el campo de los biomateriales.
- **Ebaluazio batzordea:**

<u>Titularrak</u>	<u>Ordezkoak</u>
Batzordeburua/a: Aitor Larrañaga	Batzordeburua/a: Ester Zuza
Idazkaria/a: Ainhoa Lejardi	Idazkaria/a: Emiliano Meaurio
Batzarkidea: Jane Muñoz	Batzarkidea: Inger Mtz. de Arenaza

* MCRL- Nazioarteko arloan hizkuntza zehatz baterako gaitasuna Hizkuntzen Europako Erreferentzia Markoa